

新與縣志總目

卷首

聖製

卷一

沿革考

附封建

卷二

星野考

有圖
附祥異

卷三

疆域志

有圖
附形勝

卷四

風土志 附物產

卷五

山川志 有圖
附古蹟

卷六

建置志 有圖
附橋梁

卷七

職官表 附兵制

卷八

循吏傳

卷九

賦役志

附郵政

卷十

學校志

有圖
附書院

卷十一

祠祀志

附陵墓

卷十二

選舉表

卷十三

人物志一

本紀
世家

世系圖
年表

卷十四

人物志二 列傳

卷十五

人物志三 列傳

卷十六

人物志四 列傳

卷十七

人物志五 列傳

卷十八

人物志六 忠節 孝義
鄉耆

卷十九

人物志六

忠節
鄉耆

孝義

卷二十

人物志八

列女

卷二十一

藝文志一

上古
周

卷二十二

藝文志二

周
左傳

卷二十三

藝文志三

周
諸子

卷二十四

藝文志四

漢唐

晉

卷二十五

藝文志五

宋元

卷二十六

藝文志六

明

卷二十七

藝文志七

國朝

卷二十八

藝文志八

詩上
詩下

二十九

金石志

卷三十

經籍志

卷三十一

雜志

新鄭縣志卷之十

學校志

有圖
附書院

記曰家有塾黨有序國有學三代以後古制漸廢宋天聖中始詔郡縣各置學校至於我

朝增修典禮益大且備夫學校爲儲材之地儒生報國豈僅文章云爾乎況邑固子產鄉校地也流風餘韻猶有存者以之復三代

不推矣爰詳考典禮及興廢之由備書於左作學校志


學宮圖


文昌閣

啟聖祠

敬一亭

忠義祠





學宮

前漢書循吏傳武帝時令天下郡國皆立學校自文翁爲之始

前漢書平紀元始三年立學宮郡國以學邑侯國曰校置經師一

人後漢書鮑昱傳昱爲南陽太守時郡學久廢昱乃修起黌

舍備俎豆黻冕行禮奏樂宋均傳均爲辰陽長立學校孔融

傳融爲北海相立學校李忠傳忠爲丹陽太守以俗不好學乃

爲起學校晉書謝石傳太元九年尚書謝石請頒下州郡普修

學校帝從之梁書紀天監四年正月立州郡學六月立孔子

廟魏書紀天安元年立鄉學郡置博士二人助教二人學生六

十人隋書紀仁壽元年詔廢州縣學唐書武德二年立孔

子廟詔諸州縣並令置學

會要開元二十六

州縣里

皆置學

唐書列傳

陳子昂習鄉校痛修飭倪

初爲汴

州刺史增修

孔子廟興州縣學廬勸生徒

宋史慶歷四年以

范仲淹請詔州縣興學校五年詔州縣學毋容非本土人

玉海

熙寧四年州給田十頃爲學糧六年詔諸路學官委中書選充元

豐元年詔諸路府州縣各設學官一員崇寧中詔縣學生三歲不

赴試者除其籍

元史

至元二十三年設各道儒學提舉司詔學

校舊有學田復給之以養士二十五年尚書省臣奏令郡縣學田

所入羨餘貯集賢院以給多材藝者從之二十八年令諸路學及

各縣學內設立小學選老成之士教之二十九年詔州縣學田其

歲入聽其自掌春秋釋奠外以廩給師生及士之無告者
明史
洪武二年詔府州縣皆立學十五年頒釋奠先師孔子儀注於
天下府州縣學其祭各以正官行禮每歲以春秋二仲月上丁日
每朔望郡縣長以下詣學行香二十六年頒大成樂器於天下
國朝因明舊制順治九年

命禮部頒卧碑於天下學宮

碑文載首卷

康熙二十三年

御書萬世師表匾額奉懸大成殿二十九年巡撫閩興邦題設樂
舞生六十四人備樂器祭器禮部議頒關里儀制遵行三十三年
頒

御製孔子贊四子贊勒碑學宮四十三年

御製平定朔漠告成太學碑恭建碑亭在學五十二年奉

旨升祔先儒朱熹於殿內十哲之次改題其主曰先賢五十三年奉
旨以宋儒范仲淹從祀雍正元年奉

旨學宮內建忠義孝弟祠二年奉

旨附饗廟庭諸賢宜復祀者六人林放蘧瑗秦冉顏何鄭康成范甯
宜增祀者二十人縣廩牧皮樂正子公都子萬章公孫丑諸葛亮
尹焞魏了翁黃幹陳淳何基王柏趙復金履祥許謙陳澧羅欽順
蔡清陸隴其宜入啟聖祠者一人宋儒張廸三年頒加增祭品祭
器樂器圖冊郡縣二祭增用太牢又頒

御書生民未有匾額奉懸大成殿奉

旨加封、先師五世王爵木金父公爲肇聖王祈父公爲裕聖王防叔公爲詒聖王伯夏公爲昌聖王叔梁公爲啟聖王改啟聖祠爲崇聖祠乾隆二年奉

旨增祀吳澄於兩廡三年頒

御書與天地參匾額奉懸 大成殿又奉

詔以先賢有子若列十哲之次

右源流

邑學宮在縣署東南中爲 大成殿殿前爲東西兩廡東北爲崇聖祠殿後爲明倫堂兩廡前爲戟門戟門前爲櫺星門櫺星門前爲泮池戟門東爲各宦祠又東爲忠義祠祠東爲文昌閣祠後

爲敬一亭戟門西爲鄉賢祠又西爲許文正公祠明倫堂後爲教諭署堂西爲訓導署

舊志始創莫考宋紹聖壬子毀於兵元知縣楊思明重建未成而去主簿韓廷玉繼成之後有知縣張居寬始設聖賢像元末復毀於兵明洪武三年縣丞俞吉勅殿廡爲神位知縣辛時敬重建

大成殿東西兩廡櫺星門堂齋略備正統庚申知縣張銘置戟門成化十八年知縣黃肅嘉靖六年知縣閔瀚萬歷元年知縣燕好爵以次修葺萬歷六年知縣馬朝陽起明倫堂兩齋舍鑿泮池署教諭郭正位改儒學門於巽方建攀龍附鳳坊修建啟聖祠敬一亭暨泮池前坊建崇德祠闢雲路教諭李廷謨荆學田建學倉二

間三十八年知縣夏敬承葺櫺星門戟門四十四年知縣陳大忠
重修殿廡初祭器堂前豎道義之門坊東西左規右矩二門改明
德新民齋浚井於南以泮池建文昌閣改坊於東爲人文濟美
改坊於西爲河山鍾秀天啟甲子署教諭張之珍通判掌縣事張
聚垣改儒學門於西南兌方建太和元氣坊於泮池南改名宦鄉
賢二祠於啟聖祠南改奎樓於東南城墉上崇正癸未流寇肆虐
學宮燬

國朝定鼎順治十年知縣楊奇烈始事修建十三年知縣張光岳捐
金一百兩同教諭曹埧倡建未底厥績十五年督學道朱廷瑞捐
銀五十兩知縣馮嗣京捐銀四百兩署教諭李一榴捐銀十兩力